

Андижоннинг замонавий бозорлари



Халқимиз азалдан эзгу анъаналари, ўлмас қадриятлари, меҳмондўстлиги, меҳр-оқибатлилиги билан бирга гавжум бозорлари ва улардаги сархил нозу неъматлари, бетакрор хунармандлик буюмлари билан ҳам дунё аҳлини ром этиб келган.

Мустақиллик йилларида юртимиз бозорларининг қиёфаси тубдан ўзгарди ва бу эзгу ишлар изчил давом этмоқда.

Миллий услубларда барпо этилаётган бозорлар шаҳар ва қишлоқларимиз кўркига кўрк қўшмоқда, харидор ва сотувчилар учун яратилаётган қулайликлар савдо хизмати ва маданийтини юксалтирмоқда. Жаннатмонанд юртимиз бозорларининг ободлиги, маҳсулотларнинг мўл-кўллиги, нарх-навонинг арzonлиги мамлакатимиз иқтисодий барқарорлигини намоён этиб келмоқда.

Мамлакатимиз бозорларидаги ўзгаришларни Андижон дехқон бозорлари мисолида ҳам яққол кўриш мумкин. Ҳозир вилоятда 25 дехқон бозори фаолият кўрсатмоқда. Кейинги йилларда 7 дехқон бозори реконструкция қилинди. Андижон шаҳридаги "Марказий", Андижон, Избоскан ва Пахтаобод туманларидаги дехқон бозорлари янгидан барпо этилди, жорий йилда Кўрғонтепа, Хўжаобод, Марҳамат ва Балиқчи туманлари дехқон бозорларida қурилиш-реконструкция ишлари олиб борилмоқда. Бозорларнинг моддий-техник базасини мустаҳкамлаш, зарур муҳандислик-коммуникация инфратузилмасини шакллантириш, сотувчи ва харидорлар учун қулайликлар яратиш борасида катта ишлар амалга оширилмоқда.

Андижон шаҳрида "Марказий", "Янги бозор", "Жаҳон бозори" каби йирик дехқон бозорлари ва 10 га яқин кичик бозор фаолият кўрсатмоқда. Йилнинг исталган фаслида ушбу бозорларга кирган киши сархил мева-сабзавот, полиз, қандолат, гўшт, қўйингки, аҳоли эҳтиёжи учун зарур бўлган барча турдаги маҳсулотлар билан тўла эканлигига гувоҳ бўлади.

– Биз, кекса авлод вакиллари бир пайтлар шаҳrimiz бозорлари қанчалик тартибсиз, кўнгилни хира қиласидан ҳолатда бўлғанлигини яхши эслаймиз, – дейди Андижон шаҳрида яшовчи меҳнат фаҳриси Саидаҳмад Тоштанов. – Очиги, расталари ҳаминқадар, йўлаклари тор, айникса, ёмғирли кунларда йўлакларнинг сув ва лой бўлиши сотувчи ва харидорларга кийинчиликлар туғдиради. Шукрки, истиқлол шарофати билан шаҳrimizдаги бозорлар қиёфаси тубдан ўзгарди, хусусан, “Янги бозор” дехқон бозорида ҳам харидорлар учун барча қулайлик яратилди. Эндиликда турли маҳсулотлар учун алоҳида кенг, ёруғ павильонлар ажратилган. Бозордаги мўл-кўллик, тартиб ва озодалиқдан кўнглингиз яйрайди. Дарҳақиқат, “Янги бозор” дехқон бозорида балиқ, гўшт ва гўшт маҳсулотлари, мева-сабзавотлар, куруқ мевалар, нон, қандолатчилик ва бошқа турдаги маҳсулотлар сотиш учун алоҳида алоҳида павильонлар ажратилган бўлиб, харидорлар учун барча қулайлик яратилган, дўконларда терминал орқали савдо йўлга қўйилган. Давлатимиз раҳбари Шавкат Мирзиёев Андижон шаҳрининг Эски шаҳар ҳудудида Мустақиллик шоҳқўчаси барпо этиш, “Марказий” дехқон бозорини қайта қуриш, тадбиркорлар ҳамда ёшлар марказлари, музейлар мажмуаси, маҳаллий маҳсулотлар намойиш этиладиган кўргазма зали, кўп қаватли турар жой бинолари бунёд этиш ҳакида тавсиялар берганди. Ана шу тавсиялар асосида ўтган йили Мустақиллик кўчасининг биринчи қисми ҳамда “Марказий” дехқон бозори қайта қурилиб, фойдаланишга топширилди. “Марказий” дехқон бозорининг ишга

туширилиши аҳоли учун катта кулайликлар яратди. Бозорда барча турдаги маҳсулотлар сотишига мўлжалланган павильонлар барпо этилди. Жами 1200 га яқин савдо растасига эга бозор қурилиши учун 21 миллиард сўм маблағ сарфланди. Қурилиш ишлари натижасида бозор худуди бир гектарга кенгайиб, умумий майдони 4,7 гектарга етди, 600 тонна мева ва сабзавот сақлашга мўлжалланган совутгич ишга туширилди. Автомобиллар учун тўхташ жойлари, хизмат кўрсатиш ва сервис шоҳобчалари ташкил этилди, савдо хизмати кўрсатиш сифати ва савияси тубдан яхшиланди. – Бозорда кулагай, эмин-эркин савдо қилишимиз учун барча шароит яратилган, – дейди нон ва нон маҳсулотлари сотувчиси Моҳидилхон Сиддиқова. – Бундай савдо расталарига эга бўлишни анча йиллардан буён орзу қиласадик. Президентимиз раҳнамолигида замонавий бозор барпо этилиб, тадбиркорларга кенг имкониятлар яратиб берилганидан беҳад мамнунмиз.

Бозорлардаги дўконларда музлаткичлар ўрнатилган. Озиқ-овқат маҳсулотлари белгиланган тартибда ветеринария, санитария-эпидемиология мутахассислари назоратидан ўтказилиши, сотувчиларнинг муентазам тиббий қўрикдан ўтиши қатъий йўлга қўйилган.

– Президентимизнинг жорий йил 27 марта “2017-2019 йиллар даврида дехқон бозорларини реконструкция қилиш ва уларнинг худудида замонавий савдо мажмуалари қуриш дастурини тасдиқлаш тўғрисида”ги қарори мазкур йўналишдаги ишларни юкори босқичга кўтаришда дастуриламал бўлмоқда, – дейди Андижон вилояти дехқон бозорлари ва савдо комплекслари уюшмаси бошқаруви раиси Хотамжон Мамарасулов. – Мазкур қарор ижросини таъминлаш мақсадида вилоятда кенг имкониятларга эга савдо мажмуаларини қуриш, бозорларнинг меъморий қиёфасини яхшилаш, замонавий савдо инфратузилмасини шакллантириш, умуман, бозорлар фаолиятини тубдан яхшилашга қаратилган маҳсус дастур ишлаб чиқилди. Унга кўра, жорий йилда Асака, Олтинкўл ва Шаҳрихон туманлари дехқон бозорлари янгидан барпо этилади.

Бу борадаги ишлар тизимли равишда олиб борилади. Асосий мақсад бозорларимизда ахолига кенг қулагайликлар яратиш, хизмат кўрсатиш сифати ва савиясини тубдан яхшилаш, фуқароларимиз савдо маданиятини, халқимиз турмуш фаровонлигини юксалтиришга қаратилган.□

манбаа: uza.uz